

新纂雲南通志卷二百三十七目錄

藝術傳二

澂江府

清

唐開中

姚泰

周逢源

羅瑞圖

李裕達

李相

張維彬

侯景

順寧府

清

袁昶

張鼇

蕭文彥

楊德亨

丁尙德

曲靖府

明

新纂雲南通志

卷二百三十七 藝術傳二 目錄

趙汝隆

郭元谷

清

孫璫

陳雍

張發祥

何應達

方立賢

祝耀

沈思誠

王國弼

胡薦三

徐紹先

王嘉賓

羅光曙

羅星源

劉廷選

朱子開

侯其禕

李植厚

鄧桂馨

孫承恩

麗江府

明

李德麟

陳洞天

張輔高

居素

全禎

李星煒

李仲鼎

藍成彩

清

李 珽

楊成初

陳于王

王兆興

陳新化

周景濂

孫榮福

段思忠

楊 暉

趙 琳

趙東周

奚毓崧

李鍾溥

習 譚

張再謹

蕭品清

董 澄

張 宇

王錫桐

羅 緯

陳學鴻

李士雲

王國相

歐陽現

張汝印

普洱府

清

孫觀周

張春芳

高元襄

潭有倫

永昌府

明

王 琚

新纂雲南通志

卷二百三十七 藝術傳二 目錄

一一

清

王 儼

劉本元

張 淳

李作霖

黃 浩

楊鍾琳

陳建勛

黃萬春

陳尙德

趙 琴

張懷仁

黃門旌

王 佐

梁 鑑

劉士吉

丁希喆

劉德峻

子福謙

尹玉書

開化府

清

時 儼

唐 仁

姚連鈞

林樹柏

東川府

清

朱應元

林文炳

袁履吉

孟東陽

王 華

茅德昌

王學禮

胡宗虞

盧成林

昭通府

清

竇雲龍

耿振宇

劉學恆

禹嗣興

十鼎

何廷彥

李明瑞

景東直隸廳

清

李天培

周學文

涂炳

蒙化直隸廳

明

張義

薛芬

新纂雲南通志

卷二百三十七 藝術傳二 目錄

三

清

梁朝柄

呂文奎

楊友南

張弼亮

梁文錦

田仙洲

楊晴初

王國信

品聯驤

永北直隸廳

清

譚宗禹

子旭

楊之棟

張國柱

廣西直隸州

清

王尙德

刑鴻達

何從龍

傅經

陳聯彩

陳順智

武定直隸州

明

董復粒

清

董憲

元江直隸州

清

楊潤德

武雲兆

陳覲

葉相

錢金和

白鹽井直隸提舉司

清

張光成

李宗元

李新甲

趙同文

張志亮

陳錦新

琅鹽井直隸提舉司

清

楊廣生

江鍾秀

王體元

新纂雲南通志卷二百三十七

藝術傳二

澂江府

清

唐開中字建五號雲臺路南人雍正丁未武進士善畫山水筆力蒼

健不俗採訪

姚泰字常喜江川人貢生精醫術診脉能斷人生死遐邇爭聘之臨
元鎮梁士美記室因事之省旅次感冒泰診之曰是不可救速行猶
可到省否則三日歿矣記室尚健步以泰為誑己及到省之翌日果
斃由是人益服其神凡經姚診視言不可救者他醫亦束手他醫所
不能治者姚獨能活之縣人以為倉公扁鵲之流亞云採訪

周逢源字陶溪江川人歲貢生成同之亂與楊護李必揚王永安等
集丁壯保危城亂平獲獎不復進取日惟研究醫術屢治危症活人
無算曾將經驗所得著為驗方三十本傳之子孫其孫國柱果以其
術顯國柱字沛然諸生棄舉業習醫遠近求診者踵相接採訪
羅瑞圖字星垣河陽人少以諸生佐岑毓英幕歷保至知府不就同
治庚午舉於鄉光緒丁丑成進士選庶吉士歸掌五華書院十九年
年八十二卒瑞圖性恬淡知止足晚年僦居民家榜其門曰臣本布
衣知止不殆斯是陋室且住為佳可想見其為人也多材藝善擘窠

書採訪

李裕達河陽人武生善太素脈診病則其人之窮通壽夭邪正無不
周知所用皆常劑或雜之食物服之立效他人襲之則不然兼習導

養術竟日默坐顏如渥丹將卒取其書盡焚之演

李相字俞農河陽人別號羅藏山光緒丙子舉人官江西樂平知

縣工各體書並善畫墨梅採

張維彬字樸園江川人中孚子光緒己丑進士選庶吉士官至河南

候補道能文工畫梅蘭竹菊最佳採

侯景江川人精外科善治跌打損傷諸症採

順寧府

清

袁昶字姓軒順寧人道光間拔貢善書畫尤工蘆鴨至今人藏以為

寶題其畫者比之於黃荃趙昌云採

張鼇字秋湖雲州人道光歲貢書法秀骨天然直逼南宮楷行草隸

新纂雲南通志

卷二百三十七 藝術傳二 澂江府 清 順寧府 清

一一

曲靖府明

俱妙絕一時尤善榜書兼工畫採

蕭文彥字俊卿雲州人咸豐間避亂入緬寧湛深歧黃之術善治危

症時人稱之採

楊德亨字嘉停雲州人工畫山水尤為所長採

丁尚德字宣三緬寧人性情灑落博學多藝能書法趙文敏畫仿黃

子久所作墨梅人得尺幅皆以為寶採

曲靖府

明

趙汝隆郡人精太素脈知人窮通壽夭用藥隨取草木與之無不痊

有病齒衄者日流血數升諸醫束手汝隆摘苦蒿令細嚼立愈貴官

饋人參盡合藥中分送年九十六終雍正志

郭元谷尋甸人有鍼術凡治病按穴鍼之莫不奏效或有患腸肺疾者鍼其頂門入數寸腸立下傳以神膏有頃鍼起腸而疾愈雍正志

清

孫瑀字鶴髯南寧人清初布衣善草書兼工篆刻著有澹一齋印譜

梅花百咏滇南書畫錄

陳雍榜名安字子珍南寧人光緒乙亥舉人精醫學教授鄉里有著述採訪

張發祥南寧人精岐黃術所治輒效每遇貧人求治雖雨夜必往不責藥費於掩骼修橋諸善舉見無不為鄉里咸欽之光緒志

何應達宣威人與弟應拔均精眼科能洗能割久年眼疾無不奏效提督鮑超率師過境患目疾應達兄弟為之治愈超贈以眼科第一

世濟仙方匾額今其術遍傳族眾及親朋矣採訪

新纂雲南通志

卷二百三十七

藝術傳二 曲靖府 明清

三

方立賢陸涼人武庠工畫山水兼善書法諸體俱備採訪

祝耀陸涼人工畫善寫真神情宛肖採訪

沈思誠字慧生霑益人幼業儒繼精岐黃術沈疴險症投以劑立瘥

就醫者屨滿戶外遠近皆稱其術年八十餘無疾而終光緒志

王國弼陸涼醫官精方脈所治悉奏效有某顯宦子染疾已無生理

諸醫束手延國弼診視之曰疾雖危可治也投劑頓愈其平居捨藥

濟貧里人德之光緒志

胡薦三字振秋宣威人工書善畫行草尤著採訪

徐紹先陸涼人精醫學活人甚多鄉里重之光緒志

王嘉賓陸涼人事母孝通孝經儀禮工書法並精岐黃採訪

羅光曙字曉樓陸涼人善繪松鶴米山尤擅其勝採訪

羅星源字仙槎陸涼人武庠工書法尤善繪梅

訪採

劉廷選字允中尋甸人貢生精醫術凡所診視藥不重帖即能應效

俗呼爲不二劑

光緒志

朱子開宣威人精醫術自名其居曰不瞎堂嘯咏其中不求聞達惟

踏門乞刀圭者時見之無所吝其方尤多神效

訪採

侯其禕原名世英字寶三宣威人能書善畫書法山谷畫不多作

訪採

李植厚字簡齋宣威人道光間拔貢性倜儻工書善畫

訪採

鄧桂馨字知白宣威人美丰姿妙談吐工書善畫家藏名硯甚多故

自署所居爲百硯樓云

訪採

孫承恩字錫祉南寧人工書畫並精鐵筆得者祕之

訪採

麗江府

新纂雲南通志

卷二百三十七 藝術傳二 曲靖府 清麗江府明

四

明

李德麟鶴慶人精方脈能治奇病遠近就醫者屢滿戶外洱河東有
婁人求治愈一日德麟以他事過洱東見渡口船將發趨欲同舟有
婦傾水溼其衣方怪之夫出則前婁人也驚曰此再生我者也叩首
留宿未幾前舟覆德麟獲免人謂陰德所至

道光志

陳洞天逸其名鶴慶人居羅陋川遇異人授以黃白之術丹成廣濟
窮困人多德之遇瞽者投丹少許光明如好目遠近踵門求濟限爲
之穿晚年以其所得注洞天祕興一書多屬前賢未發之旨人爭購
之因號洞天先生云

道光志

張輔高鶴慶人精歧黃術每試輒效不計利郡人全活者無算當道
嘗不遠千里延致之無不奏功今郡中醫家方脈多輔高所授孫經

天啟丁卯舉於鄉人以爲陰德所致

鶴慶府志

居素鶴慶人精醫得異授治傷寒全活甚衆後爲貴宦所延卒於途郡中遂鮮有繼者

鶴慶府志

全禎鶴慶人業醫稱國手流寇劉文秀患胃症延治之候脈已撮湯藥付之曰是湯服後當大痛至半夜痛止則病永不作矣文秀服之少頃果痛不可忍遂怒殺禎至夜半痛止精神爽健始憶禎言則無及矣悔甚乃歸殯旌明厚恤其子以謝妄殺之過

鶴慶府志

李星煒號雲鶴山人鶴慶人性真慤簡嚴幼習舉子業每忘寢食至成疾乃學醫洞徹方脈以起沈疴痼疾爲念不計利著有奇驗方書竝痘疹保嬰心法一卷

鶴慶府志

李仲鼎鶴慶人幼英敏讀儒書因有方外志乃棄去精吐納青囊術

新纂雲南通志

卷二百三十七

藝術傳二 麗江府 明清

五

性簡靜不喜世故往來日坐小軒中閱參同契及內經素問等編倦則手鐵如意消遣飄然塵外士也而慷慨樂施有爲窮而來告者無虛往有抱疾而求治者務使痊鄉人因表其門曰德孚梓里

鶴慶府志

藍成彩字國瑞鶴慶人性嚴峻習醫術頗精審症立方咸有卓見居

平不苟言笑義方訓子故其家兄弟不二爨篤友愛焉

鶴慶府志

清

李璉字世賢劍川人康熙己酉舉人工詩文善書畫

探訪

楊成初郡人得異授醫術甚精初麗俗病者信巫不事醫藥見成初脈理微妙手到病除衆始信醫疾者咸爭延治多著奇效巡道李興

祖稱爲邊塞華陀

麗江府志

陳于王號霞峯劍川人布衣負逸才善琴工書嘗游峨眉踰太行登

岱渡長江南游閩粵航海至西洋足跡幾徧天下將計歸值鹽運使姜某詣都偶與同舟至中流遇海寇行掠衆驚悸于王素有異術乃徐引彈一發雙丸連斃二魁餘黨悉散姜報以千金不受拂衣去遂還里

道光志

王兆興字東周劍川人諸生少任俠隨父宦游往來黔楚間遇羽士授以劍術每酒酣興劇輒出青萍起舞則見豪光繞體變態萬狀觀者爲之目炫時或鼓琴則天風海客響落几間宛然諸葛遺調晚年屏棄塵緣朝夕袖黃庭一卷喁喁作金石聲

道光志

陳新化字時雨劍川人布衣耽於麴蘖工篆刻金石嘗桃核上戲刻諸仙佛人物像微徹毫芒疑有鬼工但性傲兀好事者爭購之不可得貴官某耳其名以禮招致爲鐫念珠一百八枚每枚上刻阿羅漢

新纂雲南通志

卷二百三十七

藝術傳二 麗江府 清

六

像各一眉目瞭然凡袈裟瓔珞寶蓋幢幡色色俱足某見之喜甚留幕中未匝月拂衣去

道光志

周景濂字廣圖鶴慶人諸生代傳仁術於治瘋狗齧方尤效每歲全活甚衆至今後人尙習其術

採訪

孫榮福鶴慶人事母孝精醫道兼工書著有病家十戒醫家十全合刊後人宗其術輒應驗焉

採訪

段思忠字睿章劍川人布衣業歧黃術能治沈疴奇疾嘗客游雲龍州一日偶入茶肆有少年先在坐數與之言不答心頗恚之旁有知者微笑曰君無與校此啞子也思忠諦視其面實非啞相乃曰彼誠啞子也吾能醫之使言衆方疑信相半思忠隨授以刀圭數劑果能

言羣爲駭異

道光志

楊暉號愛廬劍川人嘉慶間歲貢性冲淡居近市塵罕與俗通工詩善書尤精治癥結疾用藥不拘古方隨投三五劑輒效麗江知府郭愈博子病癆久醫不效聞暉名遣使遠延比至則已斃矣暉視之曰可治郭隨出遼葭付暉以爲惟葭可以提氣暉匿之陰易以大黄煎服少頃其子復甦乃歸其葭郭目爲神技又提督中暑渴燥甚醫士僉欲用涼劑暉獨不可直以薑桂投之立瘥衆醫爽然嘗謂學醫如參禪禪在無字處悟醫可盡執方書求耶若使見熱即以涼藥治之見寒即以熱藥治之則刻舟求劍鮮有不誤人者著有愛廬吟詩集

道光志

趙琳維西人醫學傳家至琳五世尤精其業善治傷寒神明於仲景諸書辨症無毫髮爽所治輒愈尤好施濟藥不計值人皆德之

光緒志

新纂雲南通志

卷二百三十七

藝術傳二 麗江府

七

趙東周字潤歧劍川諸生精青烏術爲人卜地必告以修德爲先心田陰地相爲表裏積善之家自能獲福否則雖有吉壤亦屬無濟嘗著地理論以仁義忠信配龍穴砂水識者韙之

光緒志

奚毓崧字楚翹鶴慶人善醫術著有訓蒙醫略傷寒逆症賦先哲醫案彙編六部脉主病論補遺藥方備用論治病必求其本論五臟受病舌苔歌等書

探訪

李鍾浦鶴慶人貌修偉髯豐而長精內外科晚年遇一湖廣道人授以升降二丹治無名瘡怪輒奇驗郡首辛本榮給以額曰華陀真傳著有醫學輯要眼科諸書至今孫曾輩尙席其業

探訪

習譚字崇周麗江人善音律尤精醫嘗言醫必備藥售於市者多僞深山大壑人跡罕到之處躬親搜採著有驗後錄本草改謬二書性

慈仁見人貧乏雖診治而不取資有姻戚王某求藥人視之無病崇周隔房聞聲速遣歸未至家而卒人咸驚歎其神云訪採

張再謹字懋誠一字定生劍川人光緒乙亥舉於鄉三試禮部不第幕游而終再謹詩古文詞雅飭有四香草堂殘稿畫人物花鳥於古法得新意蓋書卷游覽得助者多矣滇南書畫錄

蕭品清字一和又字廉泉家有古梅六因號六梅居士劍川布衣橐筆從戎獎叙五品銜候銓府經歷品清多藝能而性靜情逸工書善篆刻作水墨梅蘭均有妙致滇南書畫錄

董澄字鏡如一字海門居士劍川人清初諸生工畫仙佛挾其技客遊不知所終訪採

張宇字君芋號古愚劍川人善畫龍山水亦有家法訪採

新纂雲南通志 卷二百三十七 藝術傳二 麗江府 清 普洱府 清 八

王錫桐字夢桂麗江人工山水胸有邱壑筆意秀潤訪採

羅緯字雲衢劍川人工書畫尤善擘窠大字訪採

陳學鴻字達生劍川人工書善畫訪採

李士雲維西人善畫翎毛花卉訪採

王國相維西人葉枝土官善畫翎毛花卉訪採

歐陽現字粹然劍川人善山水人物宗徐青藤僧擔當皆超逸有致至今寸縑尺幅識者珍之邑中稱為歐鸚武云同邑張汝印字月潭

畫山水得其傳訪採

普洱府

清

孫觀周字光屏他郎人由廩生納粟候補知縣因緝王顯宗保案分

發貴州旋改四川天資聰穎善草書兼通醫術光緒中學校尙未興辦觀周閱數理精蘊即能通代數幾何三角之學光緒戊申奉委巴塘同知未到任卒於中途訪採

張春芳他郎人善治外科凡跌打刀槍等傷敷以草藥數日即愈永不再發訪採

高元襄字怡亭他郎人讀書手不釋卷尤工書畫及醫靡不殫精研

盧訪採

潭有倫字學明他郎人工繪事花卉人物頗生動有致訪採

永昌府

明

王琚騰越人正統間王驥討麓川數載糧饟會計未當乃下令有能

新纂雲南通志

卷二百三十七 藝術傳二 普洱府 清 永昌府 明清 九

綜理之者陟三級琚進詣驥命司之日中上其數驥喜甚授世職百

戶辭曰小夫賤役非親矢石敢冒此職且世之耶竟不受雍正志

清

王儼號梅圃騰越人乾隆間武生善丹青遠近爭購之訪採

劉本元騰越人以醫瘴癘名一時清乾隆間大學士傅恆統大軍征緬甸至老官屯瘴癘大作副將軍阿里袞及軍中多染瘴檄騰越廳丞吳楷訪能醫瘴癘者乃敦聘本元親送之往為軍中醫治全活甚眾傅恆嘉其功奏請欽賜太醫院典籍本元精於醫學著有醫案且善攝生壽至九十六而終訪採

張淳保山人善醫術乾隆間征緬甸師還兵多染瘴淳治之十愈八

九且為人好施予每遇凶荒瘟疫賑粥施藥諸善事不可枚舉永昌府志

李作霖保山人諸生精太素脈後爲太醫院醫士永昌府志

黃浩騰越人聰穎多才藝工畫永昌府志

楊鍾琳字延輝永平人貢生性誠樸繼父業醫偶與其鄰陳某共談復診其脈知必暴亡尋果然尤善治受銀銅鑪煙毒謂銀煙毒入腎必小腹先痛銅煙毒入肺必嗽隨症投藥無不立痊晚年慕道常習靜功年七十餘卒鄉黨咸尊重之道光志

陳建勛字燮堂保山人善畫山水探訪

黃萬春字竹君保山人書畫俱精妙晚年多寫墨竹而山水尤不易得探訪

陳尙德字若谷保山人善畫墨竹名貴一時探訪

趙琴字一鶴龍陵人精歧黃術善治瘴毒投之藥十愈八九探訪

新纂雲南通志

卷二百三十七 藝術傳二 永昌府 清

一〇

張懷仁字濟堂龍陵人世業歧黃診脈投藥無不效驗探訪

黃門旌字其辛永平人康熙間司鐸元江精脈理鍼法患病者延之一鍼即愈時以扁鵲稱之探訪

王佐騰越人工書法善繪山水翎毛才藝俱優當道者屢欲延入幕府悉卻之以書畫自娛光緒志

梁鑑騰越人精醫術凡診脈立方皆神明古法所治輒有奇效人以爲不愧三折肱光緒志

劉士吉字子謙騰越人讀書博洽兼精俞跗之學薄遊昆華士大夫每神其術著有溥仁堂驗方四卷探訪

丁希詰字仰堯保山人寄跡昆明善畫博古花卉探訪

劉德峻本元曾孫承家傳之醫學益光大之發明截瘡追瘴丸騰越

永昌龍陵各邊境人民染瘴者咸延德峻診視無不應手輒效清光緒間中法之役雲貴總督岑毓英派師往援安南檄騰越廳聘德峻為軍醫德峻以道遠不欲行乃配製截瘴追瘴丸數馱附以治瘴方運往安南軍中賴以全活子福謙清光緒辛卯歲貢亦以醫名父子俱著有醫案探訪

尹玉書騰越人精繪事所畫花木鳥獸用筆沈著探訪

開化府
清

時儼字晴川郡人以焦墨作山水人物皆可觀四友齋叢說
唐仁字治邦郡人胸襟開爽多才藝尤精方脈年逾八十步履輕便有延者無論貧富隨時往道光志

姚連鈞文山人精國術性伉爽淡於仕進有功不居尤精外科醫藥與同邑羅共之羅榮皆以外科知名探訪

林樹柏文山人貢生工詩畫蘭草尤得神理探訪

東川府

清

朱應元字子楷東川營參將亮之父精岐黃術所遇雖奇疾必愈嘗以藥餌濟人東川府志

林文炳字燦然郡人精岐黃術借藥餌濟人雖奇症險症無不應驗年八十七無疾而終東川府志

袁履吉字東林會澤人布衣儒雅能文不求仕進隱於畫尤擅長墨竹得與可東坡遺法年八十猶能作大幅至今世家尚有珍藏者光緒志

孟東陽字寅蒼會澤人性聰穎家貧學醫窮究素問諸書卒精其業所治輒愈視病不論遠近貧富雖雪夜必往遇貧者給以藥不受值後授縣學醫官值獄瘟時入診視家人恐傳染諫阻之怫然曰囚亦人也其中豈無赦宥今病危而弗救是吾殺之也况生死數定豈趨避所能免竟往診治年九十餘無疾而終其姪兆鵬從學於東陽得其傳亦以名醫稱

光緒志

王華會澤人本姓林幼嗣王氏善繪事尤長於山水隨意點綴饒有遠神四方聞其名者多走幣求之晚年好吐納術遂以黃冠終老自號蓮峯道人

光緒志

茅德昌字澍堂會澤人幼習舉業以家貧棄儒學醫嘗遊歷四方訪名醫師之遂精歧黃術斷病吉凶皆有確據遇險症諸醫束手者每

新纂雲南通志

卷二百三十七 藝術傳二 東川府 清昭通府 清

一一一

取效於須臾尤善治傷寒深得仲景金匱祕訣所著有臨症知要編

光緒志

王學禮字立之會澤人精醫術屢著奇效活人甚多長子健次子价相繼登賢書學禮享年八十餘而卒方停柩未葬里遭回祿左右鄰俱燼惟學禮宅無恙人皆以為積德之報云

光緒志

胡宗虞會澤人光緒乙亥舉人官建水縣教諭畫山水極有名

採訪

盧成林字杏清會澤人光緒舉於鄉工畫山水筆意蕭疏頗有逸致

採訪

昭通府

清

竇雲龍字蘇亭昭通人歲貢生善摹窠書有米海嶽筆意

採訪

耿振宇恩安人幼讀書過目成誦而性好武稍長學易筋經且得異人授武勇絕倫能舉二千觔凡金石之堅厚者以掌截之應手而解與朋儕戲駢食中二指使尙力者二人左右之終弗能開平居急公好義排難解紛於道光丁未年染瘴身故未及爲國報效人皆惜之

光緒志

劉學恆字永菴昭通人移居東川工繪事布置渲染非時手所及尤

善大字筆法整嚴嘉慶間薦考畫工名播京師

光緒志

禹嗣興昭通人十四入邑庠家貧親老舌耕謀生暇即研究醫學幾二十年邑中患病求診治者投方輒應爲人忠厚誠樸臨證小心謹慎卒年七十四名醫之稱身後無間言至今數十載鄉黨猶有感慕者次子鼎附生亦知醫能世其家

採訪

新纂雲南通志

卷二百三十七

藝術傳二 昭通府

清

一三

景東直隸廳

清

何廷彥號偉績昭通人諸生工詩文善書畫生平砥節勵行家居授徒著錄者甚衆子三人正剛從軍死王事正郡貢生書法王趙頗秀健善畫蘭梅名重一時臨終戒其子曰吾家世守書香從無一字入公門爾等善誌之

採訪

李明瑞鹽津人工畫

採訪

景東直隸州

清

李天培景東人性慷慨業醫貧富一心活人無算子璋亦習父業里人贈額曰梓里偉望

採訪

周學文字海峰景東人太和周華弟子精醫術

採訪

涂炳字石渠景東諸生客於吳工詩善畫墨竹筆情勁逸瀟灑出塵

蒙化直隸廳

明

張義字恆齋性慈和篤於孝友精方脈治傷寒痘疹尤其所長手到見功不責報遇貧者或濟以米炭或以銀置藥內令病者檢之以暢其鬱因是而愈疾者屢屢後子孫多成業人以爲食報云蒙化廳志
薛芬性端正步趨不苟精於醫與張義齊名善楷書筆力遒勁沙定洲之變被難而卒蒙化廳志

清

梁朝柄字鼎臣蒙化人精醫學名播遠邇採訪

呂文奎字惺齋多才智遇善事必力成之熟習等韻傳響尤精醫術

新纂雲南通志

卷二百三十七

藝術傳二

蒙化直隸廳

明清一四

永北直隸廳

清

每遇時疫全活無數手批醫藥諸書識者謂獨挾古人精意蒙化廳志

楊友南字石林蒙化人清初逸士工畫山水師擔當筆意採訪

張弼亮字襄揆蒙化人端亮兄工詩畫楷隸採訪

梁文錦字繡章號絢庵蒙化人所爲篆隸鐵筆法古而兼新意採訪

田仙洲蒙化人善繪蓮花採訪

楊晴初蒙化人畫葡萄膾炙人口採訪

王國信字中孚蒙化人恬退自安書畫疎宕有逸氣採訪

品聯驤字春海蒙化人有學行工詩畫書法採訪

永北直隸廳

清

譚宗禹字開敬永北諸生性孝友因事入都學醫於太醫院博覽歸

以醫濟鄉人治療多效子旭亦嘗施藥活人孫九錫能繼其業尤敦孝弟可謂三世良醫矣道光志

楊之棟業醫濟人甚多且樂善嘗修永安橋往來無病涉年饑首倡設粥以賑鄉里稱之永北廳志

張國柱永北人光緒辛丑舉人癸卯至汴梁會試過其同年寓聞哭聲問之則主人翁病垂絕舉家聚哭矣國柱往診其脈告衆曰是不合死吾能活之乃開一方命服之中夜而蘇次日再開一方予服疾

全瘳採訪

廣西直隸州

清

王尚德字聰明廣西州人精岐黃術而有醫德婦科尤精評脈定人

新纂雲南通志

卷二百三十七 藝術傳二 永北直隸廳

一五

廣西直隸州 清 武定直隸州 明

貴賤壽夭皆奇中採訪

邢鴻達字仰乙廣西州人善醫博覽方書術最精診病處方多奇中

尤長瘋症子福星字咸五能守父業精婦科尤善治喘咳採訪

何從龍字雲巖師宗人精醫藥雲遊廣西新興昆明最著名採訪

傅經字訓五邱北人精醫並善畫山水後寓省垣醫名大振子咸和

字雋儒以醫學世其家採訪

陳聯彩廣西州人精方脈以濟人爲心其子燦亦精其業先後活人無算後子孫功名聯綿人皆以爲厚德所致光緒志

陳順智字若愚邱北人貢生善繪山水採訪

武定直隸州

明

董復粒號玉林祿勸人性剛方通醫術嘗從王來豫學道濟人利物年九十餘卒

武定府志

清

董憲字萬英祿勸人諸生精醫有通神之譽

訪採

元江直隸州

清

楊潤德元江州屬迤薩人精醫學善審脈言人病狀屢試屢驗

訪採

武雲兆元江人精外科善治瘡傷等症并以土藥發明升丹能治諸

瘡惡疾及各種傷

訪採

陳覲字容軒新平人精醫術活人無算

訪採

葉相元江人工畫人物最著名

訪採

新纂雲南通志

卷二百三十七 藝術傳二 武定直隸州 清

一六

元江直隸州 清 白鹽井直隸提舉司 清

錢金和字雅南新平人善畫取法雲林逸氣橫生

訪採

白鹽井直隸提舉司

清

張光成字務榮白井人道光間儒醫善治傷寒之症聲名藉甚

訪採

李宗元白井人精於醫著有傷寒五法

訪採

李新甲白井人世傳醫學善治小兒科及時症兄弟三人均業醫

訪採

趙同文字書樓白井人學問優長湛深歧黃之術善治危症著手見

效著有傷寒論略十篇臨症緒言一册

訪採

張志亮字熙庭白井人乾隆己酉舉人學問淹雅兼精歧黃術遂業

醫善治危症賣藥不二價有韓康風子敦樸乾隆己卯舉人大挑一

等籤分浙江歷任閩鄞仙游雲合等縣迎父到任所時浙江某中丞

之太夫人病危羣醫皆束手聞志亮素精醫延治之病旋愈酬以重金不受志亮年老思鄉敦樸遂告終養侍奉回籍以壽終

陳錦新字馥溪白鹽井人善書法並工繪蝴蝶花鳥採訪

琅鹽井直隸提舉司

清

楊廣生別號靜翁居士琅井人性剛正好讀書隱居教授詩酒自娛井內諸生半出其門晚年精醫活人甚衆著有破樓詩四章琅鹽井志

江鍾秀琅井人諸生通岐黃術治病不責報且嘗攜藥於袖中以救病之貧困者人咸稱其隱德云琅鹽井志

王體元琅井人諸生工詩畫道光志